

БЕКІТЕМІН
2021 ж.
«Балаларды ерте дамыту институты» РММ
директоры М.Е. Адамова



«30 жылдыққа 30 ойын» мектеп жасына дейінгі балаларға арналған ойындар фестивалі туралы ЕРЕЖЕ

Осы Ереже «30 жылдыққа 30 ойын» мектеп жасына дейінгі балаларға арналған ойындар фестивалін ұйымдастыру тәртібі мен өткізу шарттарын (бұдан әрі – Фестиваль) айқындайды.

Фестиваль Қазақстан Республикасы Тәуелсіздігінің 30 жылдығына орай 2021 жылдың 6-10 желтоқсан аралығында меншік нысанына, типтері мен түрлеріне қарамастан, мектепке дейінгі ұйымдарында өткізіледі.

Мақсаты: мектеп жасына дейінгі балаларды Тәуелсіздіктің жасампаздығын құрметтеуге, Отансүйгіштікке тәрбиелеу, дені сау, дербес, білуге құмар, көпшіл, сын тұрғысынан ойлайтын балаларды қалыптастыру.

Міндеттері:

- балалардың ойын дағдыларын, танымдық белсенділігін арттыру;
- командада жұмыс істеу дағдыларын дамыту;
- мақсатқа жетуде белгіленген ережелерді сақтауға үйрету;
- Отанына, еліне, туған өлкесіне деген сүйіспеншіліктерін, ұлттық құндылықтарды дәріптеуге тәрбиелеу.

Фестивальді ұйымдастыру комитеті

Фестиваль ұйымдастырушылары «Балаларды ерте дамыту институты» РММ, жергілікті атқарушы органдардың тиісті деңгейлері, облыстардың, Нұр-Сұлтан, Алматы және Шымкент қалаларының білім басқармалары болып табылады.

Фестивальға қатысушылар

Фестиваль Қазақстан Республикасы Тәуелсіздігінің 30 жылдығын мерекелеуге негізделген келесі ойын түрлерін қамтиды:

- «Ұлттық ойындар»;
- «Сюжеттік-рөлдік ойындар»;
- «Үстел үсті ойындар»;
- «Театрландырылған ойындар»;
- «Қимылды ойындар».

Фестивальде мектеп жасына дейінгі балалардың жас ерекшеліктеріне сәйкес ойын түрлері қарастырылады.

Фестивальға меншік нысанына, типтері мен түрлеріне қарамастан, мектепке дейінгі ұйымдардың 3-6 жас аралығындағы балалары қатыса алады.

Фестивальға ойындар түрлері бойынша ұсынылған жұмыстардың көрсетілу ұзақтығы 3-5 минуттан аспау керек.

Ұсынылған бейне материалдардың сапасына назар аударылуы тиіс.

Фестиваль жеңімпаздарын марапаттау

Фестиваль қорытындысы бойынша үздік деп танылған балалардың **30 ойын** түрі Институттың <http://irrd.kz/> сайты мен әлеуметтік желідегі парақшаларында жарияланып, нәтижесінде электронды әдістемелік құрал ретінде ойындар жинағы әзірленіп ұсынылады.

Сонымен қатар, Институттың алғыс хаты мен дипломдарымен марапатталады.

Фестивальға материалдарды ұсыну шарттары:

Фестивальға әрбір өңірден 2 ойын түрлері 2021 жылдың 10 желтоқсанға дейін i-rdd2021@mail.ru электрондық поштаға жіберіледі.

Анықтама телефоны: 8(7172) 28 09 50